



諸子集成

(八)

顏氏家訓
世說新語
抱朴子
潛夫論



诸子集成

第八卷



团结出版社

图书在版编目(CIP)数据

诸子集成/陈 清等点校。—北京:团结出版社,1996
ISBN 7-80130-032-7

I. 诸… II. ①陈… III. 先秦哲学—文集 IV. B22

中国版本图书馆 CIP 数据核字(96)第 18169 号

诸 子 集 成(8 卷)

团结出版社出版(北京东城区东皇城根南街 84 号)

文字六〇三厂印制

湖南省新华书店发行

1996 年 12 月第 1 版第 1 次印刷

字数:600 万字 印张:197.625

印数:1-5000 套

ISBN7-80130-032-7/K·23

定价(全 8 卷):258.00 元

第八卷总目

潜夫论	1
抱朴子	265
世说新语	553
颜氏家训	809

潜夫论

王符著
汪继培笺

团结出版社

3126
27-8

卷之六

五
四
三
二
一

大

新

四
三
二
一

序


王符《潜夫论》行于今者，有明程荣本、何锺本。何本出于程，不为异同。别有旧本，与《白虎通·德论》、《风俗通义》合刻。《风俗通义》卷首题云“大德新刊”。三书出于同时，盖元刻也。

元刻文字视程本为胜，《边议》、《巫列》、《相列》、《梦列》、《释难》诸篇，简编脱乱，不如程本。其《务本》、《遇利》、《慎微》、《交际》、《明忠》、《本训》、《德化》、《志氏姓》诸篇，各本脱乱并同。以意属读，得其端绪，因复是正文字，疏证事辞，依采经书，为之笺注。

谨案王氏精习经术，而达于当世之务。其言用人行政诸大端，皆按切时势，令今可行，不为卓绝诡激之论。其学折中孔子，而复涉猎于申、商刑名，韩子杂说，未为醇儒。然符以边隅一缝掖，闵俗陵替，发愤增叹，未能涉大庭与议论以感动人主，又不得典司治民，以效其能，独蓄大道，托之空言，斯贾生所为太息，次公以之略观者已。

是本以元刻为据，其以别本及他书所引改补者，曰“旧作某，据某本某书改”，“旧脱某，据某本某书补”。其以己意补者，止曰“旧作某”，“旧脱某”。采获众说，各称名以别之。

嘉庆十有九年岁在甲戌三月，汪继培序



目 录

赞学第一	7
务本第二	13
退利第三	19
论荣第四	23
贤难第五	27
明暗第六	34
考绩第七	39
思贤第八	46
本政第九	53
潜叹第十	57
忠贵第十一	63
浮侈第十二	70
慎微第十三	82
实贡第十四	87
班禄第十五	92
述赦第十六	99
三式第十七	111
爱日第十八	119
断讼第十九	126
衰制第二十	134
劝将第二十一	137
救边第二十二	143
边议第二十三	151
实边第二十四	156
卜列第二十五	163
巫列第二十六	168

相列第二十七	172
梦列第二十八	176
释难第二十九	180
交际第三十	185
明忠第三十一	198
本训第三十二	203
德化第三十三	207
五德志第三十四	212
志氏姓第三十五	223
叙录第三十六	255

赞学第一

天地之所贵者人也^①，圣人之所尚者义也^②，德义之所成者智也，明智之所求者学问也^③。虽有至圣，不生而知^④；虽有至材，不生而能^⑤。故志曰：黄帝师风后，^⑥颡项师老彭，帝誉师祝融^⑦，尧师务成^⑧，舜师纪后，禹师墨如^⑨，汤师伊尹^⑩，文、武师姜尚^⑪，周公师庶秀，孔子师老聃^⑫。若此言之而信，则人不可以不就师矣^⑬。夫此十一君者，皆上圣也，犹待学问，其智乃博，其德乃硕^⑭，而况于凡人乎^⑮？

①《孝经》：“子曰：‘天地之性，人为贵。’”《春秋繁露·人副天数篇》云：“天地之精所以生物者，莫贵于人。”《荀子·王制篇》云：“水火有气而无生，草木有生而无知，禽兽有知而无义。人有气，有生，有知，亦且有义，故最为天下贵者也。”

②《论语》：“子曰：‘君子义以为上。’”“尚”与“上”通。

③《汉书·董仲舒传》云：“强勉学问，则闻见博而知益明。”“知”与“智”通。

④《论语》：“子曰：‘我非生而知之者，好古敏以求之者也。’”

⑤《说苑·建本篇》：“子思曰：‘学所以益才也。’”

⑥《史记·五帝纪》云：“黄帝举风后。”

⑦《郑语》：史伯曰：“黎为高辛氏火正，以淳耀敦大天明地德，光照四海，故命之曰祝融。”韦昭注：“高辛，帝誉。黎，颡项之后也。”

⑧《白虎通·辟雍篇》云：“帝尧师务成子。”按《荀子·大略篇》云：“尧学于君畴，舜学于务成昭。”《新序·杂事》五，又作“务成跗”。

⑨卢学士文昭云：“‘墨如’疑是‘墨台’。”继培按：《路史·后纪》四云：“禹有天下，封怡以绍烈山，是为默台。”《国名纪》一云：“怡，一曰默怡，即墨台。禹师墨如，或云墨台。”

⑩《吕氏春秋·尊师篇》云：“汤师小臣。”高诱注：“小臣，谓伊尹。”《白虎通》云：“汤师伊尹。”

⑪《吕氏春秋》云：“文王、武王师吕望。”《白虎通》云：“文王师吕望，武王师尚父。”《史记·齐世家》云：“太公望吕尚者，本姓姜氏。从其姓氏，故曰吕尚。”

⑫《白虎通》云：“孔子师老聃。”

⑬昭十九年《谷梁传》云：“羁贯成童，不就师傅，父之罪也。”

⑭博、硕韵。《淮南子·泰族训》云：“人莫不知学之有益于己也。然而不能者，嬉戏害人也。人皆多以无用害有用，故智不博而日不足。”《诗·简兮》云：“硕人俣俣”，毛

传：“硕人，大德也。”

- ⑪《吕氏春秋》云：“此十圣人、六贤者，未有不尊师者也。今尊不至于帝，智不至于圣，而欲无尊师，奚由至哉？”《新序》云：“此十一圣人，未遭此师，则功业不著乎天下，名号不传乎千世。”此言十一君，名与《新序》同。

是故工欲善其事，必先利其器^①；士欲宣其义，必先读其书^②。《易》曰：“君子以多志前言往行以畜其德^③。”是以人之有学也，犹物之有治也^④。故夏后之璜^⑤，楚和之璧^⑥，虽有玉璞卞和之资^⑦，不琢不错^⑧，不离砾石^⑨。夫瑚簋之器^⑩，朝祭之服，其始也，乃山野之木、蚕茧之丝耳^⑪。使巧倕^⑫加绳墨而制之以斤斧，女工加五色而制之以机杼，则皆成宗庙之器，黼黻之章^⑬，可羞于鬼神，可御于王公^⑭。而况君子敦贞之质，察敏之才^⑮，摄之以良朋^⑯，教之以明师^⑰，文之以《礼》、《乐》^⑱，导之以《诗》、《书》，赞之以《周易》，明之以《春秋》^⑲，其不有济乎^⑳？

①《论语》。

②“书”旧作“智”，据魏征《群书治要》改。《孟子》云：“诵其诗，读其书。”《说文》云：“读，诵书也。”

③《大畜·象词》。“志”王弼本作“识”。《释文》云：“刘作‘志’。”按《周礼》保章氏郑康成注云：“志，古文‘识’。”

④《韩诗外传》二云：“玉不琢，不成器；人不学，不成行。家有千金之玉不知治，犹之贫也。良工宰之，则富及子孙。君子学之，则为国用。”

⑤定四年《左传》云：“分鲁公以夏后氏之璜。”《淮南子·精神训》云：“有夏后氏之璜者，匣匮而藏之，宝之至也。”

⑥《韩非子·和氏篇》云：“楚人和氏得玉璞，文王使玉人理其璞而得宝焉，遂命曰和氏之璧。”

⑦《史记·邹阳传》云：“卞和献宝。”

⑧《说文》云：“厝，厉石也。”经典多假借用“错”。

⑨《楚辞·惜誓》云：“相与贵夫砾石”，王逸注：“小石为砾。”

⑩哀十一年《左传》云：“胡簋之事”，杜注：“胡、簋，礼器名。夏曰胡，周曰簋。”按《礼记·明堂位》云：“殷之六瑚，周之八簋。”

⑪《礼记·月令》云：“蚕事既登，分茧称丝效功，以共郊庙之服。”《说文》云：“茧，蚕衣也。丝，蚕所吐也。”

⑫《山海经·海内经》云：“义均是始为巧，倕是始作下民百巧。”《书·尧典》作“垂”。

⑬《盐铁论·殊路篇》云：“孔子曰：‘觚不觚，觚哉！觚哉！’故人事加则为宗庙器。”《淮南子·说林训》云：“黼黻之美，在于杼轴。”《群书治要》载《尸子·劝学篇》云：“夫茧舍而不治，则腐蠹而弃。使女工缁之以为美锦，大君服而朝之。”

⑭ “羞”旧作“著”，据《治要》改。隐三年《左传》云：“可羞于王公，可荐于鬼神。”

⑮ 《大戴礼·五帝德》云：“长而敦敏。”

⑯ 《诗·既醉》云：“朋友攸援。”《常棣》云：“每有良朋。”

⑰ 《汉书·董仲舒传》云：“兴太学，置明师，以养天下之士。”

⑱ 《论语》。

⑲ 《治要》“赞”上有“幽”字。王先生宗炎云：“‘明’下有脱字，当与‘幽赞’对。”

⑳ “有”字旧脱，据《治要》补。程本作“不有”。《晋语》：“胥臣曰：‘质将善而贤良赞之，则济可俟。’”

《诗》云：“题彼鹄鸛，载飞载鸣。我日斯迈，而月斯征。夙兴夜寐，无忝尔所生^①。”是以君子终日乾乾进德修业者^②，非直为博己而已也^③，盖乃思述祖考之令问，而以显父母也^④。

① 《小宛》。“鹄鸛”今作“脊令”。

② 《易·乾文言》。

③ 《淮南子·精神训》高诱注：“‘直’犹‘但’也。”“博己”即《论语》言“博我”。

④ 《孝经》云：“立身行道，扬名于后世，以显父母。”引《大雅》云：“无念尔祖，聿修厥德。”按毛传云：“聿，述。”

孔子曰：“吾尝终日不食，终夜不寝，以思无益，不如学也。”“耕也，馁在其中；学也，禄在其中矣。君子忧道不忧贫^①。”箕子陈六极^②，《国风》歌《北门》^③，故所谓不忧贫也。岂好贫而弗之忧邪？盖志有所专，昭其重也。是故君子之求丰厚也^④，非为嘉饌、美服、淫乐、声色也^⑤，乃将以底其道^⑥而迈其德也^⑦。

① 《论语》。

② 《书·洪范》。

③ 《诗·卫风》。

④ 僖廿四年《左传》云：“丰厚可也。”

⑤ 《庄子·至乐篇》云：“所乐者，身安厚味、美服、好色、音声也。”

⑥ 孙侍御志祖云：“‘底’与‘致’同。《论语》云：‘君子学以致其道。’”

⑦ 庄八年《左传》：“《夏书》曰：‘皋陶迈种德。’”

夫道成于学而藏于书，学进于振而废于穷^①。是故董仲舒终身不问家事^②，景君明经年不出户庭^③，得锐精其学^④而显昭其业者，家富也；富佚若彼，而能勤精若此者^⑤，材子也^⑥。倪宽卖力于都巷^⑦，匡衡自鬻于保徒者^⑧，身贫也；贫厄若彼，而能进学若此者，秀

士也^⑩。当世学士^⑪恒以万计，而究涂者^⑫无数十焉，其故何也？其富者则以贿玷精，贫者则以乏易计，或以丧乱期其年岁^⑬，此其所以逮初丧功而及其童蒙者也^⑭。是故无董、景之才，倪、匡之志，而欲强捐家出身旷日师门者^⑮，必无几矣^⑯。夫此四子者，耳目聪明，忠信廉勇，未必无俦也^⑰，而及其成名立绩^⑱，德音令问不已^⑲，而有所以然，夫何故哉^⑳？徒以其能自托于先圣之典经^㉑，结心于夫子之遗训也^㉒。

① 王侍郎绍兰云：“振”当作“赈”。《说文》云：“赈，富也。”赈，穷对文。下文“家富也”，“身贫也”是其证。”

② 见《汉书》。凡《史记》、两《汉书》有列传者，云“见某书”。

③ 《汉书》：“京房，字君明。”《贤难篇》、《考绩篇》并称京房。景、京古通用。《急就篇》有景君明。

④ 《方言》后刘子骏《与扬雄书》云：“经年锐精以成此书。”

⑤ 《汉书·董仲舒传》云：“盖三年不窥园，其精如此。”《吕氏春秋·博志篇》云：“盖闻孔子、墨翟，昼日讽诵习业，夜亲见文王、周公旦而问焉，用志如此其精也。”高诱注：“精，微密也。”

⑥ 文十八年《左传》云：“有才士八人。”“才”与“材”通。

⑦ “巷”当作“养”。《汉书》云：“倪宽诣博士受业，贫无资用，常为弟子都养。”颜师古注：“都，凡众也。养，主给烹炊者也。”《一切经音义》六引蔡邕《勤学》注云：“佣，卖力也。”

⑧ 《汉书》云：“匡衡好学，家贫，庸作以供资用。”按《桑布传》云：“穷困，卖庸于齐为酒家保。”孟康注：“保，庸也。可保信，故谓之保。”

⑨ 《礼记·王制》云：“命乡论秀士升之司徒。”

⑩ 《汉书·董仲舒传》云：“学士皆师尊之。”

⑪ 《尔雅·释言》云：“究，穷也。”究途，言非半途而废也。

⑫ “期”疑“稽”之误。《后汉书·列女传》：“乐羊子妻曰：‘稽废时日。’”

⑬ “及”疑“反”之误。《荀子·不苟篇》云：“独行而不舍则济矣。济而材尽，长迁而不反其初，则化矣。”杨倞注：“既济则材性自尽。长迁而不反其初，谓中道不废也。”王先生云：“逮”疑“逮”。

⑭ 《盐铁论·相刺篇》云：“七十子之徒，去父母，捐室家，负荷而随孔子。”《汉书·酷吏传》：“郅都曰：‘已背亲而出身，固当奉职。’”《韩信传》云：“旷日持久。”《后汉书·桓荣传》：“显宗报书云：‘去家慕乡，求谢师门。’”

⑮ “几”读为“冀”。《韩非子·奸劫弑臣篇》云：“负千钧之重，陷于不测之渊，而求生也，必无几矣。”

⑯ 《尔雅释诂》云：“仇，匹也。”“俦”为“仇”之假借。

⑰ 《韩非子·功名篇》云：“明君之所以立功成名者四。”《尔雅·释诂》云：“绩，功也。”

- ⑬《诗·南山有台》云：“德音不已。”《文选》云：“令闻不已。”《释文》：“闻，音问。”《汉北海淳于长夏承碑》作“令问不已。”
- ⑭《汉书·贾谊传》云：“道具道所以然之故。”
- ⑮《礼记·文王世子》云：“凡始立学者，必释奠于先圣先师。”《汉书·蔡义传》云：“窃以闻道于先师，自托于经术也。”《后汉书·胡广传》云：“稽之典经。”
- ⑯《礼记·祭义》云：“结诸心。”《周语》云：“必问于遗训。”

是故造父疾趋，百步而废，自^①托乘舆^②，坐致千里；水师泛轴^③，解维则溺^④，自托舟楫，坐济江河。是故君子者，性非绝世，善自托于物也^⑤。人之情性，未能相百，而其明智有相万也。此非其真性之材也，必有假以致之也^⑥。君子之性，未必尽照^⑦，及学也，聪明无蔽，心智无滞，前纪帝王，顾定百世^⑧。此则道之明也，而君子能假之以自彰尔。

- ①“自”旧作“而”，何本改作“使”，并误。
- ②《孟子》云：“今乘舆已驾矣。”
- ③《周语》云：“水师监濯”，韦昭注：“水师，掌水。”“轴”当作“舳”，谓舳舻也。《说文》云：“《汉律》名船方长为舳舻。”王先生云：“轴，车轴，所以持轮者也。”
- ④《方言》云：“维之谓之鼎。”郭注：“系船为维。”
- ⑤《荀子·劝学篇》云：“假舆马者，非利足也，而致千里。假舟楫者，非能水也，而绝江河。君子生非异也，善假于物也。”《大戴礼·劝学篇》“生”作“性”。《韩非子·奸劫弑臣篇》云：“托于犀车良马之上，则可以陆犯阪阻之患。乘舟之安，持楫之利，则可以水绝江河之难。”此“托”字所本。
- ⑥《韩诗外传》四云：“人同材钧，而贵贱相万者，尽心致志也。”《说苑·建本篇》云：“质性同伦，而学问者智。”
- ⑦《史记·李斯传》云：“陛下富于春秋，未必尽通诸事。”徐广曰：“通”或宜作“照”。
- ⑧《荀子·儒效篇》云：“乡也效门室之辨，混然曾不能决也。俄而原仁义，分是非，图回天下于掌上而辨白黑，岂不愚而智矣哉！”《不苟篇》云：“君子审后王之道，而论于百王之前，若端拜而议。”

夫是故道之于心也，犹火之于目也^①。中弃深室，幽黑无见，及设盛烛，则百物彰矣^②。此则火之耀也，非目之光也，而目假之，则为已明矣^③。天地之道，神明之为^④，不可见也。学问圣典，心思道术^⑤，则皆来睹矣。此则道之材也，非心之明也，而人假之，则为已知矣。

- ①《墨子·经说下篇》云：“智以目见，而目以火见。”
 ②《礼记·仲尼燕居》云：“譬如终夜有求于幽室之中，非烛何见？”
 ③旧脱“己”字，依下文例补。
 ④《易·系辞下传》云：“阴阳合德，而刚柔有体，以体天地之撰，以通神明之德。”
 ⑤《荀子·哀公篇》：“孔子曰：‘所谓士者，虽不能尽道术，必有事也。’”《礼记·乡饮酒义》云：“古之学术道者，将以得身也。”郑注：“‘术’犹‘艺’也。”

是故索物于夜室者，莫良于火^①；索道于当世者，莫良于典。典者，经也^②，先圣之所制。先圣得道之精者以行其身，欲贤人自勉以入于道。故圣人之制经以遗后贤也^③，譬犹巧倕之为规矩准绳以遗后工也^④。

- ①《管子·君臣上篇》云：“犹夜有求而得火也。”
 ②《太平御览》六百八引《释名》云：“经，径也，常典也。”
 ③《汉书·翼奉传》云：“臣闻之于师曰：天地设位，悬日月，布星辰，分阴阳，定四时，列五行，以视圣人，名之曰道。圣人见道，然后知王治之象，故画州土，建君臣，立律历，陈成败，以视贤者，名之曰经。贤者见经，然后知人道之务，则《诗》、《书》、《易》、《春秋》、《礼》、《乐》是也。”
 ④《事物纪原》七引《尸子》云：“古者倕为规矩准绳，使天下效焉。”

昔倕之巧，目茂圆方^①，心定平直，又造规绳矩墨以诲后人。试使奚仲、公班之徒^②，释此四度，而效倕自制，必不能也^③；凡工妄匠，□规乘矩^④，错准引绳^⑤，则巧同于倕也^⑥。是故倕以其心来制规矩^⑦，后工以规矩^⑧往合倕心也，故度之工^⑨，几于倕矣^⑩。

- ①“茂”当作“成”。《礼记·仲尼燕居》云：“目巧之室”，郑注：“目巧，谓但用巧目善意作室，不由法度。”《韩非子·有度篇》云：“巧匠目意中绳。”皆“目成圆方”之意。
 ②定元年《左传》云：“奚仲居薛以为夏车正。”公班即《礼记·檀弓》公输般。
 ③《淮南子·修务训》云：“无规矩，虽奚仲不能以定方圆；无准绳，虽鲁般不能以定曲直。”
 ④空格程本作“执”，盖以意补之。他皆仿此。
 ⑤《说文》云：“措，置也。”经典多假借用“错”。
 ⑥《韩非子·用人篇》云：“去规矩而妄意度，奚仲不能成一轮。废尺寸而差短长，王尔不能半中。拙匠守规矩尺寸，则万不失矣。”
 ⑦旧脱“故”字，“其”字，依下文例补。
 ⑧以上五字旧脱，卢学士补。
 ⑨“度”上脱一字。王先生云：“疑脱‘信’字。《孟子》云：‘工不信度。’”
 ⑩王先生云：“‘几’上疑脱‘巧’字。”

先圣之智，心达神明，性直道德，又造经典^①以遗后人。试使贤人君子，释于学问，抱质而行^②，必弗具也；及使从师就学，按经而行^③，聪达之明，德义之理，亦庶矣。是故圣人以其心来造经典^④，后人以经典^⑤往合圣心也^⑥，故修经之贤^⑦，德近于圣矣。

① 《汉书·孙宝传》云：“著于经典。”

② 《淮南子·缪称训》云：“怀情抱质。”

③ 《后汉书·班彪》后《固传·东都赋》云：“案六经而校德。”《李固传》云：“俯案经典。”“按”与“案”通，依也。

④ “造”，程本作“就”。

⑤ 以上五字卢补。

⑥ 旧脱“也”字，依上文例补。

⑦ 《汉书·儒林传序》云：“诸儒始得修其经学。”

《诗》云：“高山仰止，景行行止^①。”“日就月将，学有缉熙于光明^②。”是故凡欲显勋绩扬光烈者^③，莫良于学矣。

① 《车登》。

② 《敬之》。

③ 《书·立政》云：“以觐文王之耿光，以扬武王之大烈。”《汉书·外戚传》班婕妤《赋》云：“扬光烈之翕赫兮。”

务本第二

凡为治之大体^①，莫善于抑末而务本，莫善于离本而饰末^②。夫为国者以富民为本^③，以正学为□^④。民富乃可教^⑤，学正乃得义，民贫则背善^⑥，学淫则诈伪^⑦，入学则不乱，得义则忠孝。故明君之法，务此二者，以为成太平之基，致休征之祥^⑧。

① “治”旧作“人”，据《治要》改。《北堂书钞》卅九引亦作“治”。《韩非子》有《大体篇》。《汉书·晁错传》云：“明于国家之大体。”

② 《吕氏春秋·孝行览》云：“凡为天下治国家，必务本而后末。”

③ 《管子·治国篇》云：“凡治国之道，必先富民。民富则易治也，民贫则难治也。”

④ 《礼记·学记》云：“古之王者，建国君民，教学为先。”《史记·儒林传》：“辕固曰：